



O'ZBEKISTON RESPUBLIKASI PREZIDENTINING QARORI

2020 yil «12» июнь

№ПҚ-4749

2020/2021 ўкув йилида Ўзбекистон Республикасининг олий таълим муассасаларига ўқишига қабул қилишнинг давлат буюртмаси параметрлари тўғрисида

Ёшларнинг олий таълим билан қамраб олинишини янада кенгайтириш, олий таълим муассасалари ўртасида соғлом рақобатни кучайтириш, карантин шароитида олий таълим муассасаларига абитуриентларнинг ҳужжатларини қабул қилиш ва кириш имтиҳонларини лозим даражада ўtkазиш мақсадида, шунингдек, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларга мувофиқ:

1. Белгилансинки:

а) 2020/2021 ўкув йилида бакалавриат таълим йўналишларига ўқишига қабул қилишда:

абитуриентларни рўйхатдан ўтказиш **жорий йилнинг 20 июнидан 20 июлига қадар (20 июль куни ҳам)** бўлган муддатда Ўзбекистон Республикасига коронавируснинг янги тури кириб келиши ва тарқалишининг олдини олиш юзасидан чора-тадбирлар дастурини тайёрлаш бўйича республика маҳсус комиссияси томонидан белгиланган худудларда – Давлат хизматлари марказлари орқали, барча худудларда – **Ягона интерактив давлат хизматлари портали** ҳамда Ўзбекистон Республикаси Вазирлар Маҳкамаси ҳузуридаги **Давлат тест марказининг** (кейинги ўринларда – Давлат тест маркази) **расмий веб-сайти** орқали амалга оширилади;

кириш тест синовлари абитуриент танлаган бакалавриат таълим йўналишига **мос иккита фандан ўтказилади**;

абитуриентларга тест синови топшириладиган фанлар мажмуаси ҳамда фанлар кетма-кетлиги бир хил бўлган бештагача бакалавриат таълим йўналиши бўйича танловда иштирок этиш хукуқи берилади;

б) 2020/2021 ўқув йили қабулидан бошлаб:

Ўзбекистон Республикаси Маҳалла ва оилани қўллаб қувватлаш вазирлигининг тавсияномасига эга бўлган хотин-қизлар учун бакалавриатнинг кундузги таълим шакли бўйича умумий белгиланган давлат гранти асосидаги қабул кўрсаткичларига нисбатан қўшимча тўрт фоизли давлат гранти асосидаги қабул кўрсаткичлари ажратилади;

давлат олий таълим муассасаларининг магистратура мутахассисликларига ўқишга кириш, шунингдек, бакалавриат таълим йўналишларига ўқишини кўчириш ва қайта тиклаш учун хужжатларни топшириш жараёни Ўзбекистон Республикаси **Олий ва ўрта маҳсус таълим вазирлигининг расмий веб-сайти** орқали амалга оширилади.

2. Ўзбекистон Республикаси Иқтисодий тараққиёт ва камбағалликни қисқартириш вазирлиги томонидан манфаатдор вазирлик ва идоралар билан биргаликда:

2020/2021 ўқув йилида Ўзбекистон Республикасининг олий таълим муассасаларига ўқишга қабул қилишнинг давлат буюртмаси параметрлари (кейинги ўринларда – Давлат буюртмаси параметрлари) ишлаб чиқилганлиги;

мазмун жиҳатдан яқин бўлган бакалавриат таълим **йўналишлари бирлаштирилганлиги** ва профиль ихтисослашув соҳалар **кенгайтирилганлиги**;

магистратура мутахассисликлари йириклиштирилганлиги маълумот учун қабул қилинсин.

3. Давлат буюртмаси параметрлари:

а) **бакалаврлар** тайёрлаш бўйича:

кундузги таълим шаклига – 103 575 нафар этиб 1-иловага;

сиртқи таълим шаклига – 31 350 нафар этиб 2-иловага;

кечки таълим шаклига – 5 025 нафар этиб 3-иловага;

б) **магистрлар** тайёрлаш бўйича – **10 425 нафар этиб 4-иловага** мувофиқ тасдиқлансин.

4. 2020/2021 ўқув йилида Ўзбекистон Республикаси олий таълим муассасаларига ўқишига қабул қилиш бўйича давлат комиссияси (кейинги ўринларда - Давлат комиссияси) таркиби 5-иловага мувофиқ тасдиқлансан.

Давлат комиссиясига қуидаги хукуқлар берилсин:

зарурат бўлганда, янги бакалавриат таълим йўналишлари ва магистратура мутахассисликларини киритиш ҳамда ташкил этиладиган янги олий таълим муассасалари қабул параметрларини белгилаш учун Давлат буюртмаси параметрларига ўзгартириш ва қўшимчалар киритиш;

иқтисодиёт тармоқлари ва худудларнинг, шу жумладан республиканинг олис ва бориш қийин бўлган туманларининг мутахассисларга бўлган эҳтиёжини қаноатлантириш учун олий таълим муассасаларининг бакалавриат ва магистратурасига тегишли тармоқлар ва худудлар бўйича мақсадли қабул параметрларини белгилаш;

Ўзбекистон Республикаси Олий ва ўрта маҳсус таълим вазирлиги ҳамда тизимида олий таълим муассасалари бўлган вазирлик ва идораларнинг таклифлари асосида олий таълим муассасаларининг нуфузи ва худудий жойлашувини ҳисобга олган ҳолда базавий тўлов-контракт қийматидан келиб чиқиб табақалаштирилган тўлов-контракт минимал миқдорининг ягона кўрсаткичларини таълим соҳалари ва республика худудлари бўйича белгилаш (ўзини ўзи молиялаштириш тизимига ўтаётган олий таълим муассасалари бундан мустасно);

профессионал таълим муассасаларига ўқишига қабул қилишнинг давлат буюртмаси параметрларини тасдиқлаш.

5. Фарғона вилоятининг Сўх туманини ижтимоий-иқтисодий ривожлантириш, истиқболда мазкур худуднинг иқтисодиёт тармоқларини замонавий фикрлайдиган малакали мутахассислар билан таъминлаш мақсадида ушбу туман учун бакалавриатнинг кундузги таълим шакли бўйича умумий белгиланган қабул кўрсаткичларига нисбатан қўшимча давлат гранти асосидаги 500 та ўрин миқдоридаги мақсадли қабул параметрлари ажратилсан.

Фарғона вилояти ҳокимлиги Ўзбекистон Республикаси Иқтисодий тараққиёт ва камбағалликни қисқартириш вазирлиги ҳамда Олий ва ўрта маҳсус таълим вазирлиги билан биргаликда мазкур қабул параметрларини эҳтиёжга мувофиқ олий таълим муассасалари кесимида тақсимлаш бўйича асосланган таклифларни бир ҳафта муддатда Давлат комиссиясига киритсан.

6. Ўзини ўзи молиялаштириш тизимиға ўтган олий таълим муассасалариға ўзини ўзи тўлиқ молиявий таъминлаш миқдоридан келиб чиқиб, **тўлов-контракт асосида ўқитиш қийматини белгилаш ҳуқуқи берилганлиги маълумот учун қабул қилинсин.**

Ўзини ўзи молиялаштириш тизимиға ўтган олий таълим муассасалари ректорлари бакалавриат таълим йўналишлари ва магистратура мутахассисликлари бўйича белгиланган **тўлов-контракт миқдори ҳақидаги маълумотларни бир ҳафта муддатда оммавий ахборот воситалари ва Интернет тармоғида эълон қилсин.**

7. Белгилаб қўйилсинки, **2021/2022 ўкув йилидан бошлаб** кадрлар буюртмачиларининг эҳтиёжлари тўлиқ автоматлаштирилган тарзда “**quota.mineconomy.uz**” ахборот тизими (кейинги ўринларда – Ахборот тизими) орқали шакллантирилади.

8. Буюртмачиларининг кадрларга бўлган эҳтиёжини аниқлаш жараёнини рақамлаштириш мақсадида **2020 йил 1 октябрга қадар:**

Ўзбекистон Республикаси Бандлик ва меҳнат муносабатлари вазирлиги иқтисодиёт тармоқларининг олий маълумотли кадрларга бўлган жорий эҳтиёжини кузатиб бориш имкониятини яратиш учун “Ягона миллий меҳнат тизими” идоралараро дастурий-аппарат комплексини Ахборот тизими билан интеграциясини;

Ўзбекистон Республикаси Халқ таълими вазирлиги республиканинг барча мактабларида битирувчи синфлардаги ўқувчилар сони ҳамда педагогик таркиби тўғрисида доимий янгиланиб борувчи маълумотлар базасини Ахборот тизими билан интеграциясини;

Ўзбекистон Республикаси Ахборот технологиялари ва коммуникацияларини ривожлантириш вазирлиги Иқтисодий тараққиёт ва камбағалликни қисқартириш вазирлиги билан биргаликда кадрлар буюртмачилари эҳтиёжлари тўғрисидаги маълумотларни “Электрон рақамли имзо” тизимини қўллаган ҳолда Ахборот тизимиға киритилишини ҳамда Ахборот тизимини мунтазам равишда такомиллаштириб борилишини таъминласин.

9. Ўзбекистон Республикаси Вазирлар Маҳкамаси ҳузуридаги Давлат тест маркази ва Халқ таълими вазирлиги бошқа вазирлик ва идоралар билан биргаликда **2020 йил 1 сентябрга қадар умумтаълим муассасалари битирувчиларининг якуний давлат**

аттестацияси ҳамда олий таълим муассасаларига кириш имтиҳонларини унификация қилиш ва ягона имтиҳонни йўлга қўйиш бўйича таклифларни ишлаб чиқсин ва Ўзбекистон Республикаси Президенти Администрациясига киритсин.

10. Давлат комиссияси 2020 йил 20 июня қадар:

Ўзбекистон Республикаси Соғлиқни сақлаш вазирлиги, Халқ таълими вазирлиги, Ветеринария ва чорвачиликни ривожлантириш давлат қўмитаси, Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимларни буюртмаларига биноан соғлиқни сақлаш, халқ таълими, ветеринария соҳаларида олий маълумотли кадрларга эҳтиёж юқори бўлган ҳудудлар учун Давлат буюртмаси параметрларининг давлат гранти асосидаги қабул кўрсаткичлари доирасида **мақсадли қабул параметрларининг туман (шаҳар)лар кесими**даги тақсимотини;

Ўзбекистон Республикаси Олий ва ўрта маҳсус таълим вазирлиги, тизимида олий таълим муассасалари бўлган вазирлик ва идоралар ҳамда Давлат тест марказининг таклифлари асосида олий таълим муассасаларига Давлат буюртмаси параметрларининг таълим тилларига қараб тақсимотини тасдиқласин.

11. Ўзбекистон Республикаси Олий ва ўрта маҳсус таълим вазирлиги:

а) бир ой муддатда:

Ўзбекистон стандартлаштириш, метрология ва сертификатлаштириш агентлиги ҳамда Иқтисодий тараққиёт ва камбағалликни қисқартириш вазирлиги билан биргаликда 2020/2021 ўқув йилида янги киритилаётган бакалавриат таълим йўналишлари ҳамда магистратура мутахассисликларини ҳисобга олган ҳолда Олий таълим йўналишлари ва мутахассисликлари классификаторига ўзгартириш ва қўшимчалар киритсин;

тизимида олий таълим муассасалари бўлган вазирлиг ва идоралар билан биргаликда янги киритилаётган бакалавриат таълим йўналишлари ва магистратура мутахассисликларининг малакавий талаблари, ўқув режалари ҳамда фан дастурларини ишлаб чиқсин ва белгиланган тартибда тасдиқласин;

б) 2020 йил 31 декабрга қадар бакалавриат таълим йўналишлари ва магистратура мутахассисликлари хусусиятидан келиб чиқсан ҳолда битирувчиларга асосий ҳамда қўшимча квалификация бериш тартибини ишлаб чиқсин ва тасдиқласин;

в) Ўзбекистон Республикаси Иқтисодий тараққиёт ва қамбағалликни қисқартириш вазирлиги, Молия вазирлиги ҳамда тизимида олий таълим муассасалари бўлган вазирлик ва идоралар билан биргаликда **2020 йил 1 декабрга қадар** қуидагилар тўғрисида Вазирлар Маҳкамасига асослантирилган таклифлар киритсин:

олий таълим муассасаларига ўқишга қабул қилишнинг давлат буюртмаси параметрларида **фақат давлат гранти асосидаги қабул кўрсаткичларини белгилаш;**

тўлов-контракт асосидаги қабул кўрсаткичларини **олий таълим муассасалари томонидан мустақил белгилаш.** Бунда, тўлов-контракт асосидаги қабул кўрсаткичлари Ўзбекистон Республикаси Олий ва ўрта маҳсус таълим вазирлиги томонидан белгиланган миқдордан кам бўлмаслиги лозим;

иқтидорли талабаларни нодавлат олий таълим ташкилотларида ҳам давлат гранти асосида ўқитиш;

алоҳида иқтидор талаб этиладиган таълим соҳаларининг бакалавриат таълим йўналишларига ўқишга қабул қилиш учун касбий (ижодий) имтиҳонлар билан биргаликда мажбурий учта – она тили (**ўзбек, рус ёки қорақалпоқ тили**), математика ва Ўзбекистон тарихи фанлари бўйича тест синовлари топшириш тартибини жорий қилиш.

12. Спорт соҳасида олий маълумотли мутахассислар тайёрлаш жараёнини оптималлаштириш мақсадида Ўзбекистон Республикаси Жисмоний тарбия ва спорт вазирлиги, Олий ва ўрта маҳсус таълим вазирлиги ҳамда Вазирлар Маҳкамаси хузуридаги Таълим сифатини назорат қилиш давлат инспекциясининг “**Спорт фаолияти (фаолият турлари бўйича)**” бакалавриат таълим йўналиши бўйича ўқиш муддати **3 йил бўлган таълим дастурлари доирасида кадрлар тайёрлашни амалга ошириш тўғрисидаги таклифига розилик берилсин.**

13. Белгилаб қўйилсинки:

2020/2021 ўқув йилидан бошлаб “130 000-Математика” таълим соҳаси бўйича магистратура мутахассисликлари учун Давлат буюртмаси параметрлари тўлиқ давлат гранти асосида шакллантирилади;

2020/2021 ўқув йилида давлат гранти асосида бакалавриат ва магистратурага ўқишига қабул қилинган шахсларни ўқитиш билан боғлиқ харажатлар Ўзбекистон Республикаси Давлат бюджети маблағлари ҳисобига амалга оширилади.

14. Ўзбекистон Республикаси Президентининг айрим қарорларига 6-иловага мувофиқ ўзгартиришлар киритилсин.

15. Ўзбекистон Республикаси Олий ва ўрта маҳсус таълим вазирлиги Адлия вазирлиги ҳамда бошқа манфаатдор вазирлик ва идоралар билан биргаликда икки ой муддатда қонун ҳужжатларига мазкур қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

16. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президенти маслаҳатчisi А.А. Абдувахитов зиммасига юклансин.

Ўзбекистон Республикаси
Президенти



Ш. Мирзиёев

Тошкент шаҳри

Ўзбекистон Республикаси Президентининг
2020 йил 12 июндаги ПҚ-4749-сон қарорига
5-илова

**2020/2021 ўқув йилида Ўзбекистон Республикаси олий таълим
муассасаларига ўқишига қабул қилиш бўйича давлат комиссияси
таркиби**

- | | |
|---------------------|---|
| 1. А.Н. Арипов | - Ўзбекистон Республикасининг Бош вазири,
Давлат комиссияси раиси |
| 2. А.А. Абдувахитов | - Ўзбекистон Республикаси Президентининг
маслаҳатчиси, Давлат комиссияси раиси ўринbosари |
| 3. Б.А. Мусаев | - Ўзбекистон Республикаси Бош вазирининг
ижтимоий ривожлантириш масалалари
бўйича ўринbosари, Давлат комиссияси раиси ўринbosари |
| 4. И.У. Маджидов | - Ўзбекистон Республикаси олий ва ўрта маҳсус
таълим вазири |
| 5. Н.Б. Хусанов | - Ўзбекистон Республикаси бандлик
ва меҳнат муносабатлари вазири |
| 6. А.К. Шадманов | - Ўзбекистон Республикаси соғлиқни сақлаш
вазири |
| 7. О.А. Назарбеков | - Ўзбекистон Республикаси маданият вазири |
| 8. Р.К. Давлетов | - Ўзбекистон Республикаси адлия вазири |
| 9. А.Х. Камилов | - Ўзбекистон Республикаси ташқи ишлар
вазири |
| 10. Ш.М. Садиков | - Ўзбекистон Республикаси ахборот
технологиялари ва коммуникацияларини
ривожлантириш вазири |
| 11. Д.Х. Набиев | - Ўзбекистон Республикаси жисмоний тарбия
ва спорт вазири |
| 12. Э.М. Ганиев | - Ўзбекистон Республикаси транспорт вазири |
| 13. И.И. Норқулов | - Ўзбекистон Республикаси иқтисодий
тараққиёт ва камбағалликни қисқартириш
вазирининг биринчи ўринbosари |

- | | |
|---------------------|--|
| 14. Ш.Ш. Шарахметов | - Ўзбекистон Республикаси молия вазирининг ўринbosари |
| 15. М.М. Каримов | - Вазирлар Маҳкамаси ҳузуридаги Давлат тест маркази директори |
| 16. А.В. Нуридинов | - Ўзбекистон Бадиий академияси раиси |
| 17. Ш.Х. Далиев | - Вазирлар Маҳкамасининг Таълим, соғлиқни сақлаш, маданият, ёшлар, маънавият ва жамоат ташкилотлари, маҳалла ва оилани қўллаб-кувватлаш масалалари котибияти бош мутахассиси, Давлат комиссиясининг масъул котиби |

Изоҳ. Давлат комиссияси аъзолари бошқа ишга ўтган тақдирда, унинг таркибига, ушбу лавозимларга янги тайинланган шахслар ёки зиммасига тегишли функцияларни бажариш юкланган шахслар киритилади.

Ўзбекистон Республикаси Президентининг
2020 йил 12 июндаги ПҚ-4749-сон қарорига
6-илова

Ўзбекистон Республикаси Президентининг айрим қарорлариға киритилаётган ўзгартиришлар

1. Ўзбекистон Республикаси Президентининг 2018 йил 14 майдаги "Ўзбекистон Республикаси Қуролли Кучлари ҳарбийлари ва уларнинг оила аъзоларини ижтимоий қўллаб-қувватлашга оид қўшимча чора-тадбирлар тўғрисида"ги ПҚ-3726-сон қарори 2-бандининг "б" кичик бандидаги "жойлар Ўзбекистон Республикаси Вазирлар Маҳкамаси ҳузуридаги Давлат тест маркази томонидан ўtkazildigan тест синовлари" сўzlari "ўринлар олий таълим муассасаларига ўқишга кириш имтиҳонлари" сўzlari билан алмаштирилсин.

2. Ўзбекистон Республикаси Президентининг 2019 йил 26 февралдаги "Ички ишлар органлари ходимлари ва уларнинг оила аъзоларини ижтимоий ҳимоя қилишни янада кучайтириш чора-тадбирлари тўғрисида"ги ПҚ-4212-сон қарори 3-бандининг бешинчи хатбошисидаги "Ўзбекистон Республикаси Вазирлар Маҳкамаси ҳузуридаги Давлат тест маркази томонидан ўtказилган тест синовлари" сўzlari "олий таълим муассасаларига ўқишга кириш имтиҳонлари" сўzlari билан алмаштирилсин.

3. Ўзбекистон Республикаси Президентининг 2019 йил 14 майдаги "Олий таълим муассасаларига тест синовлари орқали қабул қилиш тизимини такомиллаштириш бўйича қўшимча чора-тадбирлар тўғрисида"ги ПҚ-4319-сон қарори 1-бандида:

иккинчи хатбошидаги "қабулидан бошлаб" сўzlari "қабули доирасида" сўзи билан алмаштирилсин;

тўртинчи хатбошидаги "2020/2021" рақамлари "2021/2022" рақамлари билан алмаштирилсин.

4. Ўзбекистон Республикаси Президентининг 2020 йил 27 февралдаги "Педагогик таълим соҳасини янада ривожлантириш чора-тадбирлари тўғрисида"ги ПҚ-4623-сон қарори 9-бандида:

"в" кичик банди қўйидаги таҳрирда баён этилсин:

“в) дастлабки босқичда Тошкент давлат педагогика университетида ўқув жараёни ўқув режа ва дастурлар такомиллаштирилган ҳолда таълимнинг кредит-модуль тизими асосида ташкил этилсин.

2021/2022 ўқув йилидан бошлаб педагогик фаолиятда умумтаълим фанлари мухим ўрин тутишини инобатга олган ҳолда алоҳида иқтидор талаб этиладиган педагогика таълим соҳасининг бакалавриат таълим йўналишларига ўқишга қабул қилиш учун касбий (ижодий) имтиҳонлар билан биргаликда мажбурий учта – она тили (ўзбек, рус ёки қорақалпоқ тили), математика ва Ўзбекистон тарихи фанлари бўйича тест синовлари топшириш тартиби жорий қилинсин. Бунда, қоида тариқасида, мажбурий учта фан бўйича тест синовлари касбий (ижодий) имтиҳонлар натижалари эълон қилинганидан сўнг ўтказилиши белгилаб қўйилсин”;

“г” кичик банди ўз кучини йўқотган деб топилсин.

